


# Ils Babulins èn puspè qua!

Vernissascha dal cudesch «La famiglia Babulin – novas aventuras»

■ (Ir) Las aventuras da Luisa, Nic, Lupo e Brutus cuntinueschan. Il segund tom da la famiglia Babulin, edì da la Lia Rumantscha, cuntegna otg novas istorgias inclusiv in disc cumpact ed è cumpari en tut ils idioms ed en rumantsch grischun. La vernissascha ha gi lieu mesemna, ils 5 da december 2018 en la scola primara da S-chanf.

Las aventuras da la famiglia Babulin cuntinueschan: Il chaun Lupo avess gugent tschurichels, Nic na vul betg dar bitschs ad onda Teresa, Luisa sto ir a l'ospital – ed il giat Brutus? Brutus ha anc adina nauscha luna ed è persvas che nagut na po far tema ad el, fin ch'el ha in bel di in inscunter tut spezial en iert. En pli guarda l'entira famiglia comunablamain in gieu da ballape a la televisiun, sa chapescha betg dal tut senza incaps. Na, lun-



Las aventuras da Luisa, Nic, Lupo e Brutus cuntinueschan en il segund tom da la famiglia Babulin, edì da la Lia Rumantscha.



L'autura Flurina Plouda, il raqintader Andrea Urech e l'illustratura Yvonne Gienal (da dretga) cun il nov cudesch da la famiglia Babulin.

FOTOS MAD

gurus n'èsi propri mai tar la famiglia Babulin.

Il cudesch «La famiglia Babulin – novas aventuras», edì da la Lia Rumantscha en il rom dal program per famiglias kidsfits, cuntegna otg novas istorgias inclusiv in disc cumpact. La vernissascha ha gi lieu mesemna, ils 5 da december 2018 en la scola primara da S-chanf. L'autura *Flurina Plouda* e l'illustratura *Yvonne Gienal* han preschentà il segund tom als uffants e lur geniturs. *Andrea Urech* ha prelegi

intgins insatgs or dal mintgadi dals Babulins.

La famiglia Babulin fa part dal program per famiglias kidsfits da la Lia Rumantscha. La purschida gida a promover la lingua rumantscha tar ils uffants da 0–9 onns. Cun kidsfits vul la Lia Rumantscha era sustegnair geniturs, pedagogas e pedagogs cun differentas materialias sco cudeschets, portatuns, filmins e gieus, sco era cun infurmaziuns e support en connex cun il rumantsch ed uf-

fants. Kidsfits stat per uffants che vulan vegnir fits en la lingua rumantscha, che fan diever dad ella u che l'emprendan.

**Dapli infurmaziuns sin [www.kidsfits.ch](http://www.kidsfits.ch)**  
Il cudesch «La famiglia Babulin – novas aventuras» è adattà per uffants a partir da tschintz onns. El è cumpari en tut ils idioms ed en rumantsch grischun.

Il cudesch inclusiv in disc cumpact custa 31.50 francs e po vegnir retratg sin [www.liarumantscha.ch](http://www.liarumantscha.ch), via telefon 081 258 32 22 u en las librerias regionalas.